

deficientibus *Sfortia Ducum* insignia sunt adepti, consentientibus Civium suffragiis, & accedente Romani Imperij auctoritate: quod Galeatij nunquam obtinere potuerant. Horum stirpe majorum nostrorum avo extincta, successit Carolus v Imp. qui principatum ad *Reges Hispania*, Successores, transtulit. Vrbs primaria Latinis Scriptoribus omnibus *Mediolanum*, *Mediolanium* polyb. Strab. ptol. cui & *Mediolana*, Italis hodie *Vrbs Mediolani* *num.* *milano*: Germanis *mey-landt*. *mediolanum* ab Gallis Insubribus conditum: auctores sunt Livius, Trogus, alij, qui Belloveso Duce, in Italiam profecti, pulsis Tuscis, fundamenta isthic Urbis locarunt: anno, ut quidam computant, ante Christum natum cccxxxix: ut alij cccclxxx. Quidquid sit antiquissima est. Nomen illi natum, iudicio v. cl. Isaaci Casauboni ad lib. iv. Strab. ab *Santonum* in Galliis Vrbe *mediolanio*. Quidam vocem ajunt esse Germanicæ originis, quasi *mey-landt* ab agro verpante, qualis *majo* mense solet esse: vel *midlandt*, quod medium esset & velut umbilicus, uti etiam Iovius indicat Insubriæ, Ticino amne clausa: vel denique *maegde-landt* sive *meydel-landt*, *Virginis Regio* vel *Terra*, ab Minerva cuius ibi Templum fuit, quod olim S. Salvatori, post D. Virgini, hodie D. Teclæ Sacrum, Situs *mediolano* inter Ticinum Abduamque, haud procul Alpibus, peropportunos: natura cœli soliq; temperatus. Inter maximas Europæ censetur Vrbes, mercatura opibusque florens: splendore superbit ædificiorum: Templorum magnitudine, Prætoriorum amplitudine, pulchritudine Vicorum: Mœnibus, Propugnaculis, Armamentarijs supra modum instructa: spacium complectens imensum. Suburbia habet longa lataque, quorum nonnulla cum magnis Civitatibus committi possent, altis fossis non secus, ac Vrbs ipsa, undique cincta. Post Ædem Sacram, quam *Domum* vocant, magnifice specioseque ad Forum exstructam, D. Laurentij Fanum est ingens in ruinis Templi Herculis excitatum. Exstant etiamnum sedecim striatæ Columnæ peraltæ, magnificentissimi operis vestigia. Arcem ibi videre est, omnium fere quæ in hoc terrarum Orbe, munitissimam, cui *Porta Jovis* nomen: inexpugnabilem, quaque in Europa nihil celebrius. Xenodochium ibi vel Nosocomium suburbanum, via Bergomati, jugerum aliquot spatio amplissimum, ab Sfortijs inchoatum, nondum absolutum. Est & Curia vetus, ubi exiguum D. Gothardi Fanum, nobilibus aliquot Vicecomitum sepulchris decoratum. Multæ sunt in hac Vrbe priscae ævi inscriptiones, aliaque veterum Monumenta. Academiam habet antiquissimam, ubi etiam Virgilius litteris operam dedisse creditur. Ad Prædicatores tam insignem esse Bibliothecam scribit Leander, ut celeberrimis Italiæ non cedat. Artificum diversa ibidem genera, tanta frequentia, ut vulgato proverbio dicatur, *Chechi volesse rassettare Italia, si rumo Milano: mediolanum scilicet destruendo, Italiam instrui posse.* nimirum quorumvis artificum copia. Dicitur Hispaniæ Rex ex hoc Statu proventum habere octoginta aureorum millia. Administratio causarum civilium & criminalium pender ab Senatu Mediolanensi: in quo xvi sunt Doctores, & nonnulli Prælati patritijque mediolanenses. Archiepiscopatus Mediolanum fleret dignitate, cuius Archiepiscopus hos habet suffraganeos, *Bergomensem, Brixiansensem, Cremonensem, Laudensem, Novariensem, Vercellensem, Ipporegiensem, Vigleviensem, Astensem, Aquensem, Albensem, Terdonsensem, Saonensem, Albingaunensem, Vintimeliensem, Placentinum: Papiensem, & Ferrariensem* exemptos.

Ratio gubernandi.